



周益公文集第三卷

省齋文稿八十三

宋廬陵周益公必大著

青詞公德疏文 并代作

青詞

外舊設醮青詞 戊寅立春

人生總總捨妙道以奚依天網恢恢視至誠而則格
稽首望層霄之表洗心陳一介之愚伏念臣某等並
以冥頑仰資覆燾閱歲月日時之久善無聞焉凡行
藏視履之間罪故多矣運適逢於惡俗家寢失於平
康君懷臨深履薄之憂敢緩跼厚踏高之懇迎春陽

唐書卷之三
卷之三
三
之開動哀羽士以熏修縉琅函瓊笈之寶書延金闕
玉京之飈馭伏望寸誠昭徹列主監覲貸其既往之
愆開以自新之路福莫長乎無禍倘蒙大造之典成
吉不僭而在人誓與闔門而共勉

建康府為

皇太后設醮青詞

已卯

慶集慈闈方介万年之永時當秋令稍愆六氣之和
至神正切於問安臣子當勤於致禱肅哀淨侶祇祓
崇壇諷三洞之瓊章延九霄之飈馭式憑道蔭仰贊
坤儀伏願上帝儲休萬靈介祉衍椿齡於南極轉藥
喜於東朝同金母之長生後天而老副魯人之善祝
裨壽而臧

茅山

已卯

壽祉無疆方隆坤載節宣或爽未格時蘇眷惟句曲
之山夙號列真之宅仰体至神之意俯殫方國之誠
祇按仙科肅邀羽士琅函瓊笈啓之洞之矣徧風鳥
雲車筵九天之法駕驅尺薦繁之禮冀臻勿藥之功
願伏上帝監視至誠昭徹未善祥於霄極介景福於
慈闈孝莫大於親寧上副九重之願天必從於人歆
下符四表之心

徐憲設醮青詞

乙卯四月

唐文苑英華卷之三百一十五 卷之三百一十五
死生有命固修短之難逃父子主恩忍函明之遽隔
念逝水莫回於下地惟真科可籲於上天不勝駒犢
之情輒效潢汙之薦伏念臣某次男某未登弱冠忽
染沉疴雖竊深惟疾之憂尚庶幾勿藥之喜豈期不
淑卒至云亡恍惚四旬疑聲容之猶在宜茫厚夜痛
魄之安歸深惟此生夭折之繇大惧宿世愆尤之
積歆圖極拔必假熏修和絳闕而被壇場按赤文而
陳簡籙肅延淨侶諷三洞之靈章廣設華灯破九幽
之惡趣式哀衆善少濟宜塗伏願宵極監觀飈游降
格憫臣心之懇切許臣子以超升罪刊黑簿之中魂
越朱陵之上更憑妙道結未了之因緣誓與闔門戴
无穷之造化

金陵府治求雨青詞

同前

旱而欲雨在衆庶以皆然窮乃呼天豈守臣之敢緩
惟金陵之巨屏實江表之通都師旅雲屯常資於豐
稔室廬櫛比尤畏於鬱攸迺自三春以來暨于首夏
之際既久愆於膏澤仍屢困於融風農末俱憂公私
病雖曲尽祈求之禮殊未之霑足之期自非請命於
窮蒼何以救民於塗炭用瀆谷旦祈禱靈壇哀淨侶
而演瓊章按真科而陳菲薦伏願俯垂淵鑒曲軫鴻

慈大施三日之霖亟解一方之厄金穰可望既无艱
食之虞火珍自消咸有奠居之樂敢忘飭勵仰蒼生
成

方鄉元日設醮青詞

庚辰

四序更端甫臨於元命九宵在望輒控於愚衷臣以
駕材夙資鴻蔭陰陽默運脩甲子之一周歲日俱新
適庚辰之並紀即官居而汎掃遵道以熏修稽首歸
誠齋心謝過冀蒼穹之下濟俾丹懇之上通慶集親
庭常保範康寧之福身安仕路永逃瘵曠之愆誓堅
途石之心仰達乾坤之造

郭元嘉設黃籙青詞

物皆有死惟短折則可哀人孰無情在弟昆為尤切
眷言同氣備曆多艱雖一弟之成名幾十年之不調
僅霑寸祿遽迫大期錄多生罪垢之弗除且今世愆
尤之重積自貽伊咎遂隕其生不勝手足之悲輒效
潢汙之薦投誠簡籙請命穹蒼仰繫覆帔之仁俯濟
沉宜之苦天倫已矣悼友愛之莫伸地戶恍兮惟超
升之是望

又設醮青詞

無微不達蝼蟻之至情有必通乾坤之大造伏念臣

雖依道錄未脫世塵昨因伉儷之私嘗啓重修之願
偶緣多故頗致遷延逮因宿痾愈懷兢畏乃集黃冠
之侶恪遵清醮之儀冀贖前愆且徵後福幸空儻臻
於康泰終身永奉於高真

尚氏姊本命日設醮青詞

乙酉十二月二十五日

天無不覆其大難名人有所求維誠易感嗟稟生之
多阨嬰痼疾者積年勢乍已而復加糸屢更而未効
豈陟世動違於禁忌獲疾如斯抑宿生多積於愆尤
貽災以此惟道蔭有被禳之理惟真科開懺謝之塗
適臨元命之辰密應新春之候輒殫悃愾虔致熏修
雖上穹之听蓋高然匹婦之情可達冀永蘇於病質
誓仰戴於鴻私

十三弟設醮青詞

庚戌夏

罪愆增積久獲戾於神明限數災屯遂纏痾於床枕
既知悔懼敢急祈禳仰祈鴻造之監現俯念微生之
困殆貸其往咎許以新圖早收藥石之功獲保桑榆
之景

功德疏

乾龍節功德疏八首

戊寅

正陽紀月耒瑞乙之嘉祥薄海望雲啓飛龍之令節

不致叢霄之禱曷殫方國之誠孝慈淵至皇帝陛下
伏願誕受天休函蒙帝祉脫三十年之否運回一萬
里之安輿享福康寧遠邁人皇之上壽願神間燕永
現宣后之中興 麥秋應候風開夢日之祥寔夏傾
心遙致後天之祝叩金闕玉京之境繙琅函瓊笈之
書伏願上帝儲休三靈介祉五百里荒服函返塗塗
八千歲之大椿更隆睿筭 長發其祥當首夏清和
之候誕稱厥月整多方頌禱之誠望金闕於九霄演
瓊章於三洞伏願兩儀克相萬福永應府順衆心輟
瑤池之西宴仰憑道蔭自赤水以南歸 夢日詣休
早應群龍之集望雲祝聖共祈八駿之歸祇扣清都
虔伸丹懇伏願函蒙多祉誕受殊祥歷三紀而狩穹
荒既備常於險阻錫萬年而歸中國期永享於逍遙
南訛初秩夙聞里社之鳴北狩鷄遙敢廢封人之祝
肆稽舊典高永靈篇伏願妙道扶持清躬燕預民之
所欲祈連返於鳶輿天且佛違更茂延於鴻筭長發
其祥適在清和之候誕稱厥月預伸頌禱之誠即金
界之淨坊演具多之秘曲伏願壽同無量福過大千
俯順衆心輟瑤池之西宴仰憑佛力自赤水以南歸
正陽紀月甲觀開祥聖君宣尼尚處九夷之陋同嘆

嶽遙申萬歲之呼伏願千力證知三灵孚佑必得其
壽如沙劫之難穿式邇其歸寺佛身之無碍端乙塵
期昔啓聖神之運飛龍紀節今逢震夙之期式瞻滿
月之容遙致後天之祝伏願乾坤協佑屯否潛消十
一月之朔巡早回虞帝萬千歲之眉壽遠邁魯侯

天伸節功德疏八首 同前

日永蒼龍正大德熾昌之侯星流華消叶真人震夙
之期虔修最上之乘仰贊方增之壽 皇帝陛下伏
願備膺純嘏誕保洪基恬日月群生并慈雲而徧覆
照臨四海與佛日以常中建康府倚蘭紀瑞聖秩膺
申命之休具葉繡經夷陵祝降年之二預保鑿之列
弭勤歸報之誠伏願德茂新福轉時万寶圖寅御聰
明睿智以有 玉歷增延筭數譬喻不能及景風應
律序已正於朱明飛電騰輝符有開於亦帝欲罄延
長之禱敢祈調御之師伏願誕保鳴休溥將駿命清
蹕而朝萬宇永居宸極之尊後天而凋三光常奉慈
闈之養

帝圖有永仰上聖之膺期佛力无邊紓下情而致禱
集龍天之妙勝裨海嶽之深崇恭願舜日光昭堯雲
布獲巧歷莫推其筭數多男更茂於本支與国咸休

常奉慈闈之養因民所利俾同壽域之躋里社夙鳴
際千齡而啓聖朝音普震馨九有以祈年矧物命於
和門宜輸誠於梵刹伏願佛身常任僧劫難窮為大
法王永副山靈之託作百神主常膺嵩嶽之呼
天純佑命固已格於延鳴民懷有仁自難忘於頌禱
集祇園之淨侶虔甲觀之昌辰伏願乾建時行豐亨
久照高后嚴恭而自度永觀帝德之敷周王安樂以
延年坐擁天休之至

虹渚流光啓神聖挺生之旦鷲峯致禱整華夷歸報
之心恭願如日照臨休天西復壽壽考越万年之父子

孫開千億之繁夏清冬溫常奉東朝之養丁纏丙度

永占南極之祥

總領所
巳卯

倚蘭紀瑞當誕珥厥月之期具葉緒經致於萬斯年

之視式哀衆善仰贊中興願乾健常行离明久照四

大而王居一并包而截之區五福以壽為先增衍無

疆之數

轉運司
巳卯

會慶節疏三首

三省例委撰
壬午

開啓

帝立子以生商適臨良月民同心而戴舜紀初誕辰
虔修最上之乘仰贊方增之壽皇帝陛下伏願乾行

唐文苑英華卷之三
四
不息離照常中成巍巍蕩蕩之功衍赫赫炎炎之祚
逌安遠至垂裳觀萬國之朝地久天長畫衮奉二親
之養

蒲敬

帝圖有永慶上至之膺期佛力无边紆下減而致禱
已集龍天之妙勝度裨海嶽之深崇 皇帝陛下伏
願誕保洪基備膺純嘏九州四海皆底貢於端闈億
載万年永祚觴於 德壽

功德疏

重華協于帝紀會慶之嘉辰衆美効之君罄群臣之
善頌既家國值非常之喜宜乾坤儲莫人之休 皇
帝陛下伏願坐振皇成益恢孝治以盛德而一華夷
之統以至尊而承父母之顏轉至王之四輪咸休天
覆歷賢劫之千佛永保君臨

疏文

皇太后服藥蔣山疏文 巳卯

壽祉無疆方隆坤載節宣或爽未格時和春鐘阜之
精蓋實能仁之勝地仰体九重之意俯殫萬國之誠
設淨供於人天集殊因於梵釋冀憑慧力速臻藥石
之功益永德音更茂松椿之壽

皇太后服藥赦書賽諸廟祝文 巳卯

恭惟 聖天子以舜文之孝方罔安於東朝爰霑湛
恩偏秩群祀庶 陰相共介康寧願延萬壽之期永
受九重之養

建康府為 皇太后舉哀疏文六首 巳卯

變鍾長樂倏聞坤載之傾悲動舍生咸切母懷之慕
式披梵典恭布哀城大行太后伏願頓悞真如圓成
妙果翟車縹緲函遊極樂之方鹿苑逍遙更結摩耶
之侶

駮馭避升無復慈闈之啓驚峯精禱敢忘宜福之祈
恭仗佛乘仰酬坤載伏願一真不昧萬行常圓罔佛
母之在天永居兜率因女身而謹道有若文殊

坤儀厥代莫延中壽之期孺慕與哀頓失東朝之恃
不資釋典曷助仙遊伏願悞五蘊之皆空湛六塵而
不染由法雲地登正覺之道場乘般若舟到菩提之
彼岸

駟車既闕永虛常樂之朝具葉可潘仰扣大雄之坐
式資妙果用展哀悰伏願頓悟無生常除有漏三山
已隔莫瞻駮駕之遊十地非遙願值龍華之會
東朝厭世共悲大地之傾西竺繡經爰致普天之禱

唐詩集卷之三
庶憑法力仰助仙遊伏願境悟空花功成妙果徽音
常在如夜月之印潭真諦是依乘慈航而濟岸長樂
之告終倏歎毋儀之隔綿區奉諱共懷坤育之恩恭
修最上之乘仰助避升之路伏願觀身如幻了世無
常蜜伏真詮既坐超於十方翕臻宜福更垂祐於六
宮

請室公祈雨疏文

己卯四月三日

自春及夏久愆膏澤之施若吏於民咸有旱乾之懼
雖靈祠之徧走迄誠意之未孚仰惟無碍之慈悲夙
副有生之願欲敢動蒙駕迂顧法筵俾黔黎共罄於
瞻依庶哀憫曲垂於極救伏願至仁易感洪誓不違
出慈雲鍾阜之間隨車而至霈法雨秦淮之上及物
無遺永言歸饗之心全賴生成之賜

祈雨雪文三首

未祈禱間得雪
遂不用已卯

道觀

天覆群生禱祈必應時臨穹臘潤澤偶愆麥麥可虞
厲疵或作祇扣博臨之鑒冀垂下濟之仁呼風雲於
朝夕之間霈雨雪於冬春之際庶豐年之協應致洽
氣之潛消誓竭微誠仰酬洪造

佛寺

歲云暮矣適因常暘雨以潤之正須惠澤用竭一心之懇式瞻兩足之尊惟六出之花繽紛未下則兩岐之秀實可期仰繫無礙之慈速副有生之望

宝公塔

豐年所繫皆卜於冬春嗣歲將興尚愆於雨雪敢歸誠于鍾阜用徼福於金容瞻彼慈雲願散彌天之潤擴茲慧力亟書平地之祥惟二麥之無憂則一忻之有賴

省齋別稟卷第三

省齋文稿八十四

周益公文集第四卷

宋廬陵周益公必大著

啟一 並代作

謝宰執啟

以下十九篇並代外舅紹興二十六年

假以近邦已戴陶鎔之賜縮其遠次益銜造化之恩懷組綬以于徑見吏民而伊始伏念某天資稚戆地望單平識非五總之龜學止一班之豹難辛官踐兢畏官箴謂我朱愚人笑南榮之智為官拓落容騰揚子之譙十年陪駕序之聯終日負鵜梁之愧力上投閒之請遽功共理之除繇大鈞方播於無垠故小子

亦容有造道之塗浹日及境宣風將何施設於教條
惟在奉承於法令夙宵自省僥冒為多茲蓋伏遇某
官感會三辰昭明百度密勿臯夔之任弼諧堯舜之
君橐籥含生罄遐遐而畢遂權衡多任隨輕重以皆
平遂至妄庸亦塵任使惟是桐川之壤木遙机陸之
朝訟簡刑清雖曰庸材之可勉民貧地狹柰何經骨
之不充方當泣戕之初預積瘵官之懼願少寬於筭
策庶自竭於疲駑狄山居一障之間既蒙優假嚴助
奉三年之計更賴生成過比以還未知所措

與江東張師啓

三逕就荒未决歸田之計一麾出守誤叨乘障之恩
已諏龜卜之良祇佩魚符之寵伏念某學雖有志才
不逮人少也孜孜妄冀事功之立老而碌碌但慚廩
稍之糜昨參風憲之糾繩謬贊露門之誦說自知無
補力焉投閑荷 上至之曲憐假附庸而共理幸居
巡管庶追迷訶恭惟某官性廉忠孝之資世受天人
之學蚤繇一德歷事 三朝紫微屢告於辰猶青瑣
旋升於久拜鷄翹豹尾六卿君法從之先并鉞參旗
萬里折遐衝之侮久袖經綸之手益動啓决之心符
刻玉麟暫付倍都之鶯鼎調金鉉即遊揆路之沙某

周益公文集 卷之四
猥以孤蹤仰依巨陰惟是桐川之偏壘號為江表之
陋邦財賦匱窳封圻褊小絕長補短尚不足於平時
送故迎新矧數更於長吏深虞謏薄坐致顛隤正資
大府之教條用作屬城之矜式君如何武諒無赫赫
之稱踈若班昭願展平平之策歸依之至敷述奚周

徐憲頌德

恭惟某官與季邁倫清微表出奮勵才猷之茂踐揚
中外之多卿寺郎曹最為舊德州麾使駟迭奏新切
茲圖壽俊之賢暫付祥刑之寄祿扉鞠草既仰助於
好生紫橐持荷諒旋膺於促召亶為公論匪曰諛言
某猥以孤蹤仰依巨蔭惟是桐川之偏壘號為江表
之陋邦財賦匱窳封圻褊小絕長補短尚不足於平
時送故迎新矧數更於長吏深虞謏薄坐致顛隤惟
外臺有以庇之則屬誠免於戾矣素秋婁肅玉節光
華願調六氣之和坐使百祥之舍

周漕頌德

恭惟某官國器宏深天資茂精問學造聖人之旨詞
章為王度之華早著英聲踐周行而最久徧臨劇部
論虜使以推先茲疇澄接之庸荐付轉輪之寄方睿
哲益新於施設宜耆明首被於褒廷佇聞芝檢之頒

入預荷囊之挈實為公論匪曰諛言下同提刑

葉漕頌德

恭惟某官器宥深天資幾粹與學究聖人之旨英詞追作者之風比協廷食亟頒驛召奉常議禮方躋清功之塗便殿矢謨俄奉皇華之遣錫名駒於天廐寓美賤於瀛洲欽聞攬轡之初已著埋輪之譽行歸表著高步禁嚴下同提刑

徐總領頌德

恭惟某官器宥深天資茂粹識前言往行以蓄其德有令問廣譽而施諸身早自奮於才猷嘗徧儀於中外璧琮無玷愈久益新松栢有心雖寒不改復綴九卿之少列獨司萬旅之餘糧佇褒寵於顯庸即迓遷於法從是為公論匪曰諛言下同提刑

呂提舉頌德

恭惟某官與學承家清微表世襲相門之舊德結黼座之深知游歷劇繁益隆譽處北協搢紳之望擢升輶傳之華足國裕民功既成於歛散摘山煮海効復見於富饒佇聞芝檢之頌入預荷囊之挈是為公論

匪曰諛言

下同提刑

兼權臨安府戶部韓尚書啓

背觚稜而北去方返寒鄉紆組緩以西來遽臨偏壘
未知條教有愧吏民伏念某殖學淺庸稟生闔阨少
無可取直同樗散以棗昏老復何能甘作鼠踰而麀
法昨收朝蹟旋拜郡符之官無五百里之遙竊食賴
二千石之列雖民貧而地狹幸訟簡而刑清于此庇
身實為過望茲蓋伏遇某官英資邁往精識絕倫總
賦地官教周鄉之禮樂劇繁大邑用漢尹之春秋顧
政路之將登惟人材之務進有如孤拙亦賜吹噓某
敢不深體上恩勉勤吏事發姦摘伏縱無一日之長
宣化承流願奉三年之計

權樞密都承旨中書王舍人啓

杜門掃軌瓜未及於齊兵便道之官竹已分於漢郡
反求諸已有愧于心伏念某襪線無長鬢絲易老方
群賢之並進競樂居中顧弱質之無庸力祈補外分
合投閑而置散思榮宣化以承流惟是桐川介于江
表雖民貧地狹在薄材締力以難勝然政舉人存有
善教流風之可法孤蹤自省微幸何多茲蓋伏遇某
官德配先民文傳正法贊模右府宣聖神道德之威
演誥西廂鼓天地中和之氣每推公論力獎遺才故
雖朽鈍之餘亦在吹噓之數某敢不勉思未至祈稱

所蒙游刃發詡諒難追於古訓伐柯取則則勉跋於前規

湯中丞啓

假以近邦已戴提撕之厚縮其遠次益知成就之深
紆組綬以于征見吏民而伊使伏念某立身至苦秉
德甚涼每惟骨相之屯敢有功名之望即省已成於
白首憲臺濫綴於清班龜勉歲周推頽人後始也群
公雜進柄方不可以入圓及乎衆正彙征器小復難
於用大雅之理數允矣竒穹尚分東方千騎之麾實
賴中流一壺之賜矧茲桐水永遠机宸雖地狹民貧
在綿力薄材而難彊然人存政幸有流風善教可之
師夙夜以思叨踰為甚此蓋伏遇某官氣全剛大道
備中和歲寒不改於松青風疾始知於早勁提綱栢
寺既宿弊之頓除秉政槐庭訂元功之茂立每扶固
是坐正臺評遂容蹇蹕之蹤猶在驅馳之數某敢不

下同王舍人

陵正言啓

上同江東張師伏念某稟生闔阨殖學淺棲庸遲名位之卑莅
萬星霜之易蘭省殆成於白首相庭濫綴於清班龜
勉歲周推頽人後方羣公之並進可謂得時顧朽質

以自慚力祈補外分合投閑而致散息容宣化以承
流載恍惟冒之深必有夤緣之自此蓋伏遇某官氣
和而粹道廣而周居然中坦而外莊不以登清而撓
濁烏臺三院甫揚直諫之聲騎省七人旋賴彌縫之
益俯憐樗櫟夙忝金蘭每曲賜於揄揚致獲安於竒
拙若如何武諒無赫赫之稱踈若班超願展平平之
策

褚臺簿

三逕就荒禾決埽田之計一麾出守謨叨乘障之息
自惟襪線之無長加以鬢絲之既老投閑置散乃所
當然宣化承流斯為過矣載省叨踰之自寧無漿借
之由茲蓋某官問學粹精風猷警邁久儀仕路人皆
嘆於進難擢寘臺僚上獨嗟於見晚每雅公論仰助
清朝致茲朽鈍之餘亦在吹噓之數

下同
前

宣州樓樞密啓

輕萬戶以識韓早諧望履施餘波而及普之今幸依
仁甫視卿章虔修竿牘伏念某學雖有志下同江東張印假
附庸而共理布寬條而有俶託大芘以知歸恭惟某
官博厚而䟽通溫恭而剛毅起千年之絕學獨步儒
林振一代之修名徧儀禁路翰苑早敷於邦號樞庭

再本於兵機久安香火之祠高袖經綸之手方
至益新於庶政擇輔藩分命於元臣歛大患於一州
錫康侯於三接圖任舊人而共政佇慰民瞻咸有一
德以享天永符帝賚某密瞻上府獲在下風為滕薛
之大夫已踰分量親龔黃之善政領奉規模過此以
還未知所措

答陳國正

天麟啓

昔年幸會親觀淡墨之名晚歲倦游坐遠金閨之彥
豈謂不遺衰朽遠貺緘滕方塵容俗狀之可憎驚墨
妙筆精之創見執謙良甚懷感至深伏惟某官道本
師傳詞皆已出豹澤靡容於隱露鳴毛果見於遇風
帝席夜前對宣室鬼神之間學宮晨入誨諸生行業
之勤諒無歲月之淹別奉絲綸之渥蘭臺誤着固將
平步以登烏玉殿論思蓋亦曆階而升耳願慎寶調
之術式符頌望之私其在悃悃曷勝言諭

賀戶部王侍郎侯啓

趣朝天陛峻陟地官帝命有光人言無間恭以某官
高文駿發懿行淳深奮才猷於百執之間備侍從於
中興之始惟時心計尤秉睿知故四明方樂於香
凝而九賦復煩於鞭筭昔漢嘗尊於計相至唐稱重

於度支豈徒司金穀之繁柳以養鈞衡之望稍著裕
民之効即膺共政之除某早辱言揚欣聞召拜屬佩
左符之竹阻陪右席之賓瞻頌于中敷宣罔既

賀禮部辛侍郎次膺啓

召自侯藩擢升禁從諸儒改觀共欣掌禮之得人庶
俗何知亦喜正臣之在位共惟某官持心本恕守道
不回早見知萬乘之君期無負平生之學進居諫省
一言必務於興邦退領祠宮三已莫形於愠色身居
鄱水名重太山逮隆當佇之思連奉賜環之命辰猷
既告夜席宜前咨伯汝作秩宗姑假塗於簪橐暨湯
咸有一德即當路於鈞衡某假守小邦逃聞成命莫
遂登門之願敢稽贊善之書頌詠于中敷陳奚究

賀提舉修書官万俟右相轉官加食邑啓

成書長樂宣制正衡冠五等以䟽封躡二潛而進秩
僉言允穆注意加隆恭惟某官碩大而光明直方而
寬厚異稟早符於帝賚英猷久峻於民瞻丁溥天綏
靖之期宅右撥辦章之任既中外咸安於少事宜君
臣俱樂於無為惟茲駟馭之還尚闕鴻儒之紀肆煩
茂宰親總宥綱方和銘紙筆以編摩俄締典敷華而
明備涓之穀旦導以盛容薄昭迎后之儀倡日星而

顯著虞舜慕親之孝亘夷夏以流謝于青恭寘於慈
寧副墨仍藏於祕府爰頒異數用答元功昔蕭曹居
丞相之官初無聞於筆削班馬擅史家之學第私紀
於見聞豈如輔佐之賢未奉纂修之詔所載者非常
之慶宜膺乎不次之恩曷為國家之光華豈獨士夫
之歆豔某身游大治耳屬上儀拘綴銀符雖莫預班
廷之數傾依玉鉉其敢忘賀履之誠

賀進書禮儀使沈左相轉官加封邑啓

上同方
負相

丁溥天綏靖之期宅左揆辦章之任既中外咸

安於少事宜君臣俱樂於無為惟茲駟馭之還尚闕
鴻儒之紀昨頒中詔俾輯奏篇書薄昭迎后之義以
貽後代顯虞舜慕親之孝不在斯文汗青恭寘於慈
寧副墨仍藏於祕府肆煩上宰親總盛容簪紳肅穆
以前驅禮無危者天日清明而顯相人皆仰之繫鉅
典之克成殆聖時之剗見宜舉懋功之賞用酬領使
之勞非崇資峻陟無以示天眷之隆非善社陪敦無
以慰國人之望耳茂十官之取何足與稽張良萬戶
之封固宜未艾某身游大治

下同前

賀湯右相啓

紹興二十七年

金甌名啓玉鉉位崇制命一傳歡謔四起竊惟至治

唐書卷之集 卷之集 卷之集
之世必有非常之臣視君如腹心相主為左右用肩
一德永底多盤歷選時髦孰為舊德斗宮運神樞之
柄既在諸公之先上相處太微之庭宜應今日之拜
恭惟某官氣充高厚忠貫神名濟世之才愈汲而愈
富許國之節稱久而稱堅早繇經緯之文親結聖神
之春精誠每竭燥濕莫移故允見諸有為率不負其
所學垂紳正笏判群疑於片言偃武修文興長利於
旋踵更化之際宣力為多方時已安命相九重民皆
屬望久矣上亦虚心待焉果副具瞻亟聞爰立談笑
為治豈為垂千載之規精神折衝固可制四夷之命
修禮樂以召和氣進賢能以超治功三代之隆遂將
再見兩漢而下夫何足云某愚有寸誠老無他技虞
翻骨相自歎多屯陶令田園分其婦去茲值播鈞之
始尚懷為御之初望賓客之後塵雖知邈尔採士民
之公論不覺欣然瞻頌之誠叙陳曷既

同前代聞人書庫

光膺典冊進總機衡屹若明堂得棟梁而愈固浩然
巨浸賴舟楫以安行渙號播聞輿情罔懌竊以輔弼
之任古今所難咨四岳以奮庸匪內繇於獨斷使百
工而求野或外盡於周詢豈如聰明睿智之君久眷

碩大光明之佐積年詳試一旦登庸既聲名素稔於
 縉緹宜望實交孚於華裔恭惟某官應期佐聖維嶽
 炳靈游夏淵源洞八索九丘之學卿雲黼黻雜四時
 五色之文蚤擢殊科立登要路春官儀禮明夏商損
 益之翰苑代言繼盤詔聲牙之作函被九天之渥延
 登兩地之尊柄握洪樞運籌而坐帷幄烽沉紫塞挽
 河而洗甲兵寢隆叢石之瞻久篋沙堤之築果贊元
 而入輔遂當路以奮庸方且感一人特達之知慶千
 載逢之會股肱盛世蕃察群疑飾庶事以鼎新措溥
 天於盃覆共欣 王主獲稷契臯陶之良臣肯使泰
 和在唐虞成周之 際詩書所紀勲業同歸某五斗
 為貧一官効智寢每懷於附鳳門屢幸於登九方此
 播鈞敢忘躍治祐甫除八百之吏雖匪旧知晉卿幸
 七十之家尚容莞庫

問侯沈左相啓

以下代方總領
紹興二十八年九月

蒙霧而行每潤身於膏澤翹風以望頻矯首於門墻
 當九秋向杪之辰有萬室告成之喜鼎梅久實和羹
 方賴於高衡潭菊可餐遐壽宜臻於漢相轍殫懇款
 仰詢寢典恭惟某官正直秉彝誠明貫道窮精微於
 三至季有承原掩述作於兩京文皆典則自進隆於

國棟即茂立於邦基大拔群材共翊休明之運稱綸
庶務密庸造化之功三台仰驗於邑齊九鼎俯知於
器重措紳歌詠中興有丙魏之聲旒冕注懷廣廈論
唐虞之際克疑丕績絕擬常論伏念某塵慮煩襟
謏材曲學曩值延登之旦首膺特達之知如彼枯魚
驟激西江之水譬諸節室頓延東井之光既造跡於
卽闈仍總儲於軍壘勉粗殫於駑駕叨踰終愧於
鵜梁仰藉洪鈞尚述司敗鵠鷺接武雖寸步之難前
鴻鴈來賓顧尺書之敢緩其為瞻頌罔罄名言

問候湯右相啓

含香錦帳身游坱圠之鈞發軒轅門目注熒煌之座
欽想細旃議廣政業熙天茂隆旦與之勲遂措成康
之裕神明所保福祿來同恭惟某官智蘊賢謨道光
明覺以聳壑凌雲之質柱石王庭以鑄金戛玉之文
笙簧帝典自峻叅於機幄旋進枕於宰衡雖填以瓦
為孰測廟堂之密勿然見諸行事足規輔弼之規恢
內馬百度之修明外則群王之綏靖大詔挂璧澄霄
潛狼角之光嘉石平民絕澗息禽遊之酷積為和氣
散依謹謚方且進英髦以共保洪基飾禮示以助調
元也郊天祭地告厥成功締典敷華傳諸後世太平

責鑿小人道消其襪線无長鬚絲侵老牛溲馬勃辱
採擇於醫師蟲臂鼠肝正依棲於造化金莖露滑玉
鉉羨調羹益獲於寢典永上符於眷注瞻祈倍極傾
寫奚殫

賀王樞密啓

明詔揚廷元樞正位有常立武基至神宥密之謀無
競維人成邦固安強之勢真儒益進多士同歡恭惟
某官道本誠明氣全剛大詩書執礼六經皆務於雅
言直諫多聞万乘素推於益友騫翔久矣奮閭藹然
詞掖奎坡大冊高文之獨步經惟上尹昌言竝議之
日聞自陟幾廷愈攄廟略番侯佐漢功高三傑之中
裴度輔唐名播四夷之外擁輶出使仗節來歸有折
衝厥難之勲无伐善施勞之失况三軍五兵之運久
此宣猷宜十行一札之書茲烏進長寵數式隆於當
宁恩章尤異於在廷既用仲尼固知天下之无敵非
如汲黯但使淮南之寢謀其夙荷恩憐欣聞抄館知
及賀厦之人邈慶柳營独阻登門之願其為馳頌實
倍常情

賀吏部張尚書啓

寵錫綸言峻登文部任隆常伯独專四選之權班冠

周正公集 卷之六 賀朱中丞啓
從昔允為六官之長雖還舊物實茂新恩恭惟某官
季粹而文高氣和而節勁早登禁路惓惓形憂國之
言久曆藩方亶亶及愛民之意既宸心之妙簡亦
輿論之素孚雖告歸力上於囊封而趣召屢頒於邦
渙游神琳館進讀金華數朝士於正元春風屢改得
世臣於故國喬木猶存方將倚重於股肱茲用假塗
於喉舌稽諸周制天官同冢宰之名參以唐規政府
總吏銓之事惟時重任屬我老成某久託餘輝迭聞
異數顧阻伸於慶礼實倍激於懽悰

賀朱中丞啓

祇奉親除峻陞独座絳騶清道一時欣覲於曠儀白
簡生風多士共現於勁節恭惟某官性資誠慤局度
方嚴季宰六藝之源流文掃百家之鞏悅自登朝列
即締主知操挺松筠歷三冬而不改質堅金石經百
鍊而愈精已騰騎省之聲稱旋振烏臺之綱紀有猷
必告无弊弗除果膺非次之恩遂應久虛之選執法
在端門之右是亦假塗輔星明北斗之中即聞秉政
理之必至人所共期某屬奉使華阻于賓謁正臣得
位既如鵬鷲之在天善類歸心何畏豺狼之當路其
為歎擇實信等夷

問候葛侍郎啓

櫟社扶疎昔依仁於華省蓬心奉曲今結戀於朱門
欽惟賢哲之所臨蜜有神灵之來相內凝道妙外納
時和恭惟某官應物以俊明之資處躬以渾厚之德
詞章峻潔如東流赴海之莫磯問譽輝光若北斗麗
天之可仰掖垣掌制文部典銓世傳常亮之除書人
服山公之啟事謂合延登於黃闥云胡引去於清都
結何山杖屨之緣作蒼水龜魚之主冲襟逸興雖寢
忘紫橐之舊游雅望莛聲當勉為蒼生而再起某久
應襍祓尚許濫竽蝶夢空勞莫遂接辭之便魚書遠
至少伸問訊之儀悃悞所懷楮毫奚盡

賀何大諫啓

演誥鳳池升班騎省台從諫則至式嘉啓沃之誠臣
事君以忠愈籍論思之益恭惟某言執德洪而信道
篤見善明而用心剛自擢冠於南宮即締知於北闕
曩繇文察進列七人造膝惓惓補壞實同於山甫抗
章纚纚引裾何愧於辛毗爰從左掖之聯就正大坡
之拜青蒲屢伏旣旌入告之嘉猷紫橐峻持更應久
虛之妙選佇疇言績參秉政機某外奉使華遙聞褒
制奕展陽城之拜敢稽商皓之書欣頌交懷喻言奚

賀都司諫啓

底續右垣升華左掖忠言劇上雖寄任之不移正色
立朝知班聯之愈峻恭惟某官文高典則李涇淵源
挺渾金璞玉之姿時皆仰景負烈日嚴霜之操帝所
親知召居六察之官擢預七人之列夙聲鯁峭屢開
白獸之樽諫紙縱橫備著皂囊之疏式酬久次爰俾
右迂臣事君以忠補袞既彰於山甫后從諫則至轉
圜益顯於高皇佇從耳目之司入踐股肱之任某屬
縻使事阻遙賓筵仰吳哲之得時與士民而共慶其
為欣頌曷罄敷陳

謝執政啓

代陳通判

成期垂畢未瞻魏闕之觚稜詔旨中頒遽剖漢庭之
符竹顧牧民之寵厚知宰物之恩深伏念某智術迂
愚官游連蹇三銓列屬被亟襮以汰歸萬里覩風突
甫黔而報罷一投閑散屢改炎涼豈盛時徒棄於蒯
菅蓋薄命動迎於墻壁欵惟先德傳清白之高風藐
是後人敢磷緇於素守傷哉貧也誰者憐之甑生范
氏之塵瓶之淵明之粟晚叨起廢游俾淤談章郡頻
年是對朝雲於南浦臺城再歲飽聞夜鶴於北山居

无才紀之勞寧冀就廷之渥忽叨成命改付名邦方
愧果之依芙蓉而汎水乃容高適出幕府以持麾之
官雖徯於瓜時揣分實踰於樗散茲盖伏遇某官道
隆先竟勲格皇天拳拳致主之清忠汲汲求賢之美
意衡量多士重輕無抄忽之差澤潤群生遐迩失焦
枯之患歆廣至神之德尤嚴師帥之官何取妄庸亦
參任使其敢不愈堅末路靡負初心戴積契之殊知
謹銘藏於茲日追龔黃之善政尚鞭策於他時過此
以还來知所措

省齋別橐卷第四

